

կին հայկազյան, ենթադրում է ըստ իս՝ ուրարտա-խալդական շերտի ծագումը: Առաջին Հայկազյանների մասին Խորենացու պատմածն ամբողջապես արձագանք է ուրարտական ժամանակների իրադարձության մինչև Սկայորդին, որի անվան մեջ պարզորոշ նշմարվում է սակ արմատի առկայությունը: Մի այլ տեղ ես առիթ կունենամ ապացուցելու, որ այն, ինչ Մ. Խորենացին պատմում է առաջին Հայկազյանների մասին, ետնագույն հիշողություն է վանա թագավորների ժամանակի դեպքերի¹⁷:

Զանգեզուրի հայերի էթնոգենեզի առեղծվածի վրա որոշ լույս են սփռում բարբառագիտական ուսումնասիրությունները: Վերջին ամփոփող աշխատություններ Զանգեզուրի հայերի հնչյունական և ձևաբանական երևույթների քնննությունը նվիրել են պրոֆ. Հ. Աճառյանը¹⁸ և գրեթե 30 տարի անց՝ պրոֆ. Ար. Ղարիբջյանը¹⁹: Երկու հետազոտողները դասավորում են այդ բարբառը Ղարաբաղի ենթաբարբառների շարքում, որոնք տարածվում են ընդարձակ տերիտորիայի վրա՝ սկսած Կուր գետի ստորին հոսանքի աջ ափից գրեթե մինչև Ուրմիո լճի ավազանը (Թավրիզ) և արևմուտքում մինչև Գանձակ, Շամշադին և Զագրո-Ալանգյազ լեռնաշղթան: «Նոր հայերէնի 31 բարբառներուն մէջ ամենէն մեծը, ամենէն տարածվածը Ղարաբաղի բարբառն է» (Հ. Աճառյան), որը մի ճյուղն է «ու» բարբառախմբի: Իր տարածությամբ այս բարբառը գրեթե համընկնում է պրոֆ. Բունակի վաճյան (Ղարաբաղյան) կոչվող մարդաբանական տիպի հետ: Այս բարբառի առանձին ոստերը շատ են հեռացած բուն արեալից: Երկու հետազոտողներն էլ գրեթե նույն հնչյունական և ձևաբանական երևույթներն են գտնում Ղարաբաղի բարբառի մեջ, առանց անջատելու նրանից հատկապես Զանգեզուրի ենթաբարբառի համար հատկանշականները: Սակայն պրոֆ. Ա. Ղարիբջյանը, ավելի խորացնելով իր անալիզը, հայտնաբերում է Զանգեզուրում մի նոր՝ 4-րդ ճյուղի առկայությունը, որը նա անվանում է «ս» ճյուղ և առանձնացնում է «ու» ճյուղից²⁰: Թողնելով մի այլ առիթի պրոֆ. Ա. Ղարիբջյանի այն կարծիքի քննությունը թե «Հայ բարբառների «ս» ճյուղը կազմավորվել է Սյունի և մեղական ցեղախմբերի և եկվոր սակ (զոկ) ցեղերի լեզուների խաշաձեման հետևանքով»²¹, և թե Արդվինի բարբառն էլ պիտի դասվի այդ «ս» ճյուղի մեջ, պետք է հիմնավորված համարել նրա հետազոտության այն եզրակացությունը, որ Զանգեզուրում իրար հանդիպել են երկու, իրարից շատ որոշակի տարբերվող բարբառները²²: Հյուսիսային շրջաններում, գլխավորապես, Բուն Զանգեզուր կոչվող զավառակում, նույնպես և Սիսիանում մինչև մոտավորապես Արծվանիկ գյուղը գերիշխում են Ղարաբաղյան ձևերը, թեև բավականաչափ ազդված «ս» ճյուղի կողմից, որ ես գերադասում եմ անվանել ընդհանրապես՝ զոկական և որի-

¹⁷ Մասվան պատճառով հեղինակին չի հաջողվել ի կատար ածել իր ծրագիրը (ծան. խմբ.):

¹⁸ «Էմինյան ազգագրական ժողովածու, հ. Ը, Հայ բարբառագիտություն՝ Մոսկվա, 1911, 61—75 (բարբառների քարտեզով):

¹⁹ Ա. Ղարիբջյան, Համատնություն հայ բարբառագիտության, էջ 180—198:

²⁰ Ա. Ղարիբջյան, «Հայ բարբառների մի նոր ճյուղ», Պետ. համալսարանի «Տեղեկագիր», Երևան, 1939, № XI:

²¹ Անգ., էջ 240:

²² Այն, որ պրոֆ. Ղարիբջյանը գրել է (էջ 184) Զանգեզուրի ենթաբարբառների մեջ նաև երևանի բարբառը համարված, բացատրվում է նրանով, որ XIX դ. առաջին կեսում բավականին մեծ թվով տեղափոխված էին (մասնավորապես Սիսիան) նախնականի կողմերից հայ գյուղացիք: